

焦太史編輯國朝獻徵錄

焦太史編輯國朝獻徵錄卷之八十一目錄

中書科中書舍人

梁良玉

何申

宋和

郭節

王紱

陳登

行人司司正

薛侃

行人

羅如壙

黃乾亨

孟陽

李紹賢

唐教之

唐志大

王雨康

都督府斷事

高巍

都督府都事

倪敬

錦衣衛經歷

沈鍊

金陵黃應登

全校

吳興茅元儀

目錄終

錢塘徐象樸

刊行

焦太史編輯國朝獻徵錄卷之八十一

中書科中書舍人

中書舍人梁良玉

梁良玉乃田玉族也建文中官中書舍人靖難後與妻子訣易姓名挾微貲走出金陵城逾嶺至海南寓市肆粥書爲業以死

中書舍人何申

何申不知何許人爲中書舍人建文末奉使四川至  
峽口聞金川門不守發憤慟哭吐血不數日疽發背  
死

中書令人宋和郭節

忠節錄

宋和郭節皆中書令人不知何許人靖難後變名挾  
十莖書走異域賣卜給衣食客死

王孟端紱傳

王 洪

孟端諱紱常之無錫人自少志氣高逸讀書工古歌詩嘗北遊江淮浮黃河踰太行出鴈門往來晉代之間周覽形勝輒感慨弔古徘徊不能去一時聞人慕其名爭延致之及觀其氣貌瓌峴議論踔勵益加器重久之不樂歸江南隱居九龍山中詠左太冲詩曰何必綵與竹山林有清音若將有終焉之志自號曰九龍山人永樂中有以能書薦者入翰林擢爲中書舍人嘗自以蒙 上厚恩投白山澤與羣賢並位職任書札魏不能報稱慨然曰書必如古人庶可名世

傳後報萬分一於是知孟端非徒隱者固將有以見  
諸世也尤工畫山水竹石每酒酣對賓客著黃冠服  
意氣傲然伸紙攘袂揮筆灑灑奇怪跌宕不可名狀  
畫已徐吟五字詩蕭然有風人之致然不可意者雖  
豪貴不肯與就之至閉門不納人問之曰丈夫在所  
處輕者苟且如此重者將何以哉士益以此高之平  
居急朋友好賓客不計家有無然是是非非不苟隨  
俗俯仰雖見嫉惡不顧丙申春正月臥病北京寓舍  
朋友日間致醫藥疾革語所知者曰生宛如夜旦所  
貴此心不昧耳奄然而逝年五十有五君子惜之錢



塘王洪曰始予遊四方聞江湖間稱孟端名籍甚及  
識孟端觀其爲人乃知得此聲豈虛哉孟端以布衣  
薄遊無所遇晚以能薦遂登青雲顯名侍從間可謂  
遭逢其時至負其藝能非其人不與跡其志殆不可  
以爲之傳焉

中書舍人陳登傳

楊士奇

永樂甲申詔吏部簡士之能書者儲翰林給廩祿使  
進其能將用之清密之地長樂陳登思孝以篆籀最  
先至時吳中滕用亨待詔翰林工篆籀自視天下無  
愈已者且恃春秋高輕後進往往折肱之獨人廣坐  
中思孝初至謹默謙下用亨連三日折之文淵閣六  
卿大臣皆在旁跡不可耐思孝怡然受之從容進曰  
登臺座在此親教益思陋願有所質就用亨語之次  
許叔重者十數事相辨難思孝道許氏說娓娓皆用  
事素所忽者用亨乃始默默斂衽齔不復自矜大思

本聲譽遂起時四明王尹實篆書擅名海內至考據  
精博亦推讓思孝云思孝於六書本原精考詳究志  
篤而力勤周秦以來二千年間其石刻有在而委棄  
山顛水岬荒蕪瓦礫之墟者皆深求而必得之雖殘  
缺剝落歲月氏名無可考然審度某出某代某人十  
率中七八其收畜之富蓋歐陽文忠趙明誠之後所  
僅見也思孝初舉才學爲湖廣羅田縣丞數月改浙  
江蘭溪丞月餘又改江西浮梁丞所至視民如子務  
寬恤之而明決以革奸弊在浮梁時房安爲江西按  
察使以戾憚屬吏獨禮遇思孝歲餘丁內艱去服闋

遂選入翰林仍給縣丞祿歷十年擢中書舍人朝廷  
大題扁率出其手而四方求者無虛日未嘗有厭倦  
意又十年給告歸歸而疾作又四年還京還兩月疾  
復作遂卒宣德戊申七月十五日也享年六十有七  
其人博學謹禮耿介負直氣是是非非率依義不  
肯陰阿假借雖屢以是召怨不悔雖貧薄而勇於爲  
人曰人道當然也其先居光之固始唐季從王審知  
入閩家福唐之玉融茲世徙長樂宋福清今世榮思  
孝高祖也曾祖宗振祖嗣朋父仲進洪武中歷宜陽  
縣城兩縣丞陞江山知縣皆有惠政江山民尤德之

子男二中男同甫思孝所用心六書今得其傳者吏  
部郎中盱江程南雲於是中男奉史官陳叔剛所具  
狀介南雲求余爲銘將歸而納諸墓余雅厚思孝義  
不可辭銘曰六書之教周典傳史籀所作時同文逮  
于秦斯古尚存邈超簡便降隸分東都沿晉驚草真  
轉葩逐葉失本根唐冰復古稽前聞後有作者承餘  
熏思孝之作泝探源竒迹密義窮寒溫涵積而放波  
濶灑落手揮霍風雨奔交金屈鐵雕與璠雄渾桀特  
時絕倫大書深刻盤繡雲鵬呼思孝今九京有偉其  
者垂不刊

行人司司正薛侃傳

黃佐

侃字尚謙丁丑登進士疏乞歸養師事陽明於贛四年而歸汲引後學議行鄉約余氏李氏婦皆雙節已葬者表其墓未葬者舉其喪閭里稱之辛巳赴銓授行人聞母計殞絕復蘓五日始食結齋中離山與士子講習弗輟遇聖節正旦冬至預期齋行禮戊子入京聞陽明計率同門友歐陽德輩爲位朝夕哭焉使山東過充謁孔孟廟刻杏壇講授儀以紀其盛多士從之尋陞司正張孚敬方用程篁墩舊論收紀孔子從祀侃疏請祀陸九淵陳獻章議上允陸罷陳已

而復疏建

皇儲事

詔下廷鞠

上躬聽連日刑

究不一詞曰明有

君父幽有鬼神頭可斷此心不

可欺觀者嘖嘖以真鐵漢稱之先是侃有同年彭澤者以吏部郎考察降運判張桂薦爲春坊諭德每謂侃師生得道學正傳蓋以諛言動之也侃出疏示澤澤舉手加額曰此天下大事九廟神靈聞之喜何如也第須機會耳盡俟時乎及澤爲太常卿會張與夏言爭勝乃喜曰此可以中傷夏矣遂陰使人先告張曰夏言欲托侃進本取親王承繼罪不容誅澤乃往謂侃曰昨見張羅峰言上近有此意此機會也力

勸之進侃許諾澤遂袖疏草而去歸卽騰出送與張  
張收之越日晚張以侃疏草封進次日澤往促之侃  
乃進焉比疏入上覽之大怒召夏及侃於午門先  
令夏入示以侃疏曰此忠謀乎夏對曰亦是忠上  
由是疑之刑部尚書汪鉉被劾職罪有旨迴避聽勘  
張力薦鉉當視事遂起鉉比廷鞫上御奉天門聽  
斷便內使奏其語因併逮夏夏辯實不與謀先得釋  
侃因言澤曾主張此事遂逮澤澤至甫加刑卽垂首  
喪氣招認與謀上方欲刑侃知其寃逮釋之於是  
罪澤搬開是非往來構禍謫戍平虜衛侃獲放還買



舟中  
說聖

小舟出潞河適遇 聖壽節鄰舫有叅議項喬方欲  
行禮有報喬曰小舟有民服具香案叩首祝 聖禮  
節甚恭者莫測何等人也喬曰此必薛中誰訪之果  
然因嘉歎其忠侃歸山從遊者百餘人丙申遠游江  
浙會羅洪先輩於青原書院乃歸羅浮講學于永福  
寺乙巳始還家十年 十所著有研幾錄圖書質疑  
諸書

行人司行人羅公如壙墓志銘 劉 儼

正統十四年秋虜入寇逼宣府城告急者日數至  
太上皇帝時在御親率六軍往拒之分官扈從而行  
人司則司正尹君昌行人羅君如壙濱行日同行於  
尹君所凡四人尹於予居相比羅君過予曰適與妻  
子別諭曰從駕出征危事也非使命時比萬一不幸  
我必死以報國我死其抱吾二子徵狀元劉先生編  
修陳先生文以著吾不朽予驚拒之曰何爲出此言  
也君笑曰死分也及敗績報至予往問其家道臨別  
之言如出一口子乃痛哭曰如壙必死無歸矣其臨

別之言可信也明日尹君自軍前還歸其僕至於行  
裝中得詩凡十八首皆與如壻及刑部員外某相倡  
和其詩大率傷奸臣擅權軍無紀律憤以不虧臣節  
相勉期予讀之竟痛哭曰如壻必死無歸矣其後同  
行四人三有詩者果不還予以是知土木之役有素  
善而逃者有雖知義而迫於不得已者有如吾如壻  
其志素定所謂從容就義者幾矣及是朝廷旌其義  
詔其子鑑入太學以俟擢用鑑來徵銘予敢辭如壻  
字本崇別號竹峰世家廬陵之印岡高祖中正元瀘  
州同曾祖伯剛元鄉貢進士祖彥偲父惟最皆積學

有聞公自少穎異初從安慶司訓母舅王來旬讀經  
記垂成乃嘆曰詩吾世業也可自吾絕耶遂學兩經  
鄉大家交聘爲子弟師太守四明陳公聞而召之見  
試以長江萬里圖賦君援筆立成累千言皆新奇有  
深意公奇之以爲邑庠生予時於陳公所見是賦已  
心識而敬服矣正統七年君由鄉貢與予同以文辭  
登進士第除行人司行人由是日親且厚間從出使  
歸必過予道其道途所過古聖賢祠墓遺跡處或祭  
以文或歌以詩疊疊不厭且論所至藩臬郡縣官賢  
否歷歷如指諸掌後驗其人成敗果然蓋君若溫然

和易而其中剛介明白人不得而欺故所至人皆敬  
而畏之平生孝於親友於兄弟於朋友急其難雖禍  
患有所不避其文章辯博暢達喜往復然皆有法度  
而宿於理其材贍故求無不應者卒之日年四十有  
六

行人司行人黃公乾亨傳

顧清

先生諱乾亨字汝夏一字汝亨姓黃氏其先人有諱元方者避晉永嘉亂入閩居福唐之黃巷唐散騎常侍華始遷莆田自是爲莆田人曾祖壽生永樂中翰林檢討祖子嘉知保定束鹿縣父深終監察御史黃氏自入閩傳千三百年或仕或隱代有聞人而至是始益大先生生六歲而孤性敏甚及長好學善屬文出語輒驚其長老成化甲午以第一人貢禮部明年擢進士挺特自持不苟有附麗奉旨安置降胡於嶺南禮遣皆不受南人敬之丁祖父憂服闋念母老遺

回久之留妻子于家從嬴僮走闕下乞南都便養有  
沮之者授行人司行人副給事中林榮使滿刺伽國  
滿刺在嶺南西萬里外故事使臣得招商賈募習海  
事者以行有分堵常例銀度千兩先生卻不受或以  
爲正副不宜異同乃畱其半于官俾修靈妃祠布政  
使彭公鳳儀謂修祠守臣事不當煩使臣乃密遣以  
爲其母夫人壽先生迄不知也癸卯正月發舟六日  
至羊嶼颶風作舟薄于石壞與衆溺焉初先生以風  
未時暫還省城點利者競叢貨于舟至是舟力弗任  
故壞從弟乾剛侍行方舟中時且登矣視先生急不

忍去遂同溺焉時先生年三十二有善水者得脫走  
安南以告事間贈從仕郎行人司司副遣官諭祭錄  
其長子如金爲國子生如金鄉舉亦第一登進士爲  
翰林庶吉士拜監察御史提督南畿學政以文行稱



行人司行人贈山東道御史孟公陽墓銘

馬汝驥

公諱陽字子乾右僉都御史公春子也世爲澤之大陽南里人曾祖鑑祖彪以子都御史公貴累贈中憲大夫太僕寺少卿祖妣王氏累封太恭人母李氏累封恭人都御史公舉進士由刑曹郎擢守嚴州正德庚午治行課天下第一超拜太僕寺少卿擢右僉都御史巡撫宣府以邊事註誤謫陝西參議擢參政君領正德丁卯鄉薦第三甲戌舉進士授行人司行人封修職郎恒欲以名節自表見初使宣府犒軍卽與

監督軍務中官抗禮中官不敢忤而禮益恭比行總  
鎮餽遺一無所取再使韓府亦卻其餽王乃製詩卷  
贈之爲行人凡四載不遷或有戲之者曰君見今行  
人孰三載不遷科道者乎君何不一見當道而坐自  
淹也君謾應之還而私自語曰君子立身當如白玉  
少有瑕玷終身之耻吾豈以官而易吾身邪且行人  
清秩何必科道哉正德己卯春三月 毅皇帝北巡  
榆林回命下復南巡人情騰沸科道官伏闕有言不  
報諸部院等官咸有言不報君慘然有憂色語諸寮  
友一十九人者曰 皇帝英斷嗜武比者儉夫左右

歸感遊幸無時上谷雲中榆林太原民老少咸生怨  
心此之不救後將奚藥聞之千金之子坐不垂堂以  
萬乘主而馳大陸涉長江其險如何耶予輩咸臣子  
顧可守默循資以苟富貴哉諸寮友咸唯唯乃共抗  
疏極諫歷數權姦欺君誤國之罪疏入 毅皇帝震  
怒會先命諸部院官罰跪午門前五日怒未解權姦  
輩 闇言曰此輩小臣匪言官乃敢出位誹謗若此  
他自可知矣 毅皇帝怒甚復命杖之午門權姦監  
之后知必死仰天嘆曰嗟乎天平吾得死所矣越一  
日卒于京邸是四月十八日也距其生成化丙午九

月五日得年僅三十有四卒之日諸親友候之有問者但言曰當死當死殊無一言及家事君平居孝友謙抑若無知者遇事則萬夫莫奪雖與其父議有不合輒厲言諍之既悟則跪膝前謝罪幼爲祖母鍾愛後乃迎養京邸比祖母卒哀毀骨立尤嚴于好惡區別淑慝不少假善者與之必誠敬有始終馬汝驥曰初君罰跪也予時亦在跪列然猶冠帶也君輩纍纍然桎梏之若囚然惕若雷霆實傷心焉君之卒也予適病不及弔哭秋八月予謫官澤州時都御史公丁王太恭人薨服闋家居矣乃得拜見堂上請臨其墓

哭之祀其祖鄉賢之祠又明年辛巳三月十有四日  
殺皇帝升遐 今皇帝由藩邸入嗣大統首詔贈  
監察御史錄其子一人爲太學生權奸黨與並加誅  
絕而天下新矣語曰天道好還茲非其明驗哉

行人司行人李公紹賢墓志銘 舒 芬

崇德死予涕甚伏蓐不能起哭哭于家慟侍者曰子亦弱喘餘魂其母傷哉不知予於崇德死不能不慟者有六焉以諫死死杖下酷烈一也死慶壽僧房惟一二僕之手二也予輩厚善者皆呻吟不能與敘事徵蔣虞中卒往視則棺不可蓋三也始車駕議以三月十九日壬子警道東巡視岱宗歷徐楊抵南京下蘄州復浙江浮漢沔登大嶽且遍中士繁麗人情洶洶思變叵測將相大臣多從臾之予鄉同年夏考功萬儀制館中汪子宿輩約諸小臣連章乞留十五日

早報免朝于率館中同先入疏兵部黃伯固陸汝亨  
論時政疏亦入時百官皆懷疏集闕下太宰陸公祖  
之且造歸惡語眎時夏于中萬汝信過予扼腕恨予  
因邀陳太常至俱酌之酒贊之云匹夫之志今其可  
敘三子遂於是夕在吾寓連疏入且以告諸同志明  
日吏部張元承等刑部陸天爵等疏俱入又明日禮  
部姜夢賓等兵部孫鳴和等行人司余伯獻等俱連  
疏入時又有太醫院醫士徐鏊以醫諫車駕遂不  
果出乃二十日癸丑天威震怒以黃鵬陸震夏良  
勝萬潮陳九川徐鏊下錦衣衛獄以舒芬張行虔姜

龍孫鳳陳倖等百有七人跪午門外五日而行人司  
疏不報以通政司壅之也諸君待罪離次至二十二  
日得報命余廷瓚等俱下獄明日同黃鞏等六人亦  
跪午門外五日楷奉是日工部林以乘等三人大理  
寺周子厚等十人亦連疏入明日俱下之獄亦楷奉  
跪五日時復有金吾衛指揮張英大言車駕出必不  
利乃肉袒戟刃于胸以死諫數日天色陰霾京師震  
駭公卿避唾罵瓦礫擲晨夕出入不敢特別色其尤  
顯者至減去辦事官吏易稍笈以包服在昏暗中若  
異流然奸無所容益謀蔽惑請命禮部告示禁一槩



言事者通政司遂格不受疏又有貢諛叅劾各屬爲  
妄言者而天威遂不可霽乃二十五日戊午命舒芬  
等一百有七人俱午門前去衣杖三十爲首者調外  
任罰俸六箇月四月十六日巳卯命黃輦等六人午  
門前俱去衣杖五十徐鑒邊遠充軍其餘爲民林大  
輅周敘余廷瓚杖五十降三級調外任其餘杖四十  
降二級時施杖下者員外陸汝亨主事劉宗夏何孟  
循評事林質夫照磨劉珏行人司副余伯獻行人孟  
子乾劉平甫李德卿詹敬之與吾崇德蓋十有一人  
而傷夷未起者尚多也夫首義者于中汝信子宿與

予四五人而已使予爲太宰沮則于中汝信之疏且  
緩矣諸公之氣亦衰矣安得此舉哉致十一人慘死  
而我獲生四也是舉也雖士氣少振奸謀少沮而國  
體亦少損五也自正德戊辰九月我與崇德同投文  
南京禮部明年同入國子監驢背一話遂相許資麗  
澤而朝夕見者三年情又密昨丁丑又同年爲進士  
戊寅春大喪朝夕哭未卒議往視山陵予度其且詣  
宣府明日上封事崇德過予曰夜間報似非禮之禮  
微子莫能辨析可但已乎予告以疏早入矣崇德欣  
然曰適奉慰時與羣可語者料此義須君發之果然

人將服我知人矣是同年相知莫深於崇德六也嗚呼予哭崇德死有此六者烏能不慟哉崇德以四月二十四日死其家人將奉柩歸葬予南窳限又急以五月三日昇疾登舟大行潘宗魯使人來曰崇德知之惟子深墓亦惟子銘也嗚呼其奚辭崇德諱紹賢姓李先世巢縣人以戎籍編泗盱眙曾祖宗祖肇父本有隱德尤好士樂賢母黎氏繼母曹氏此崇德系也崇德生成化辛丑十有一月七日幼穎異不羣凡兒及冠見大志負時名與夫孝友稱于族豈弟稱于鄉義理稱于友文章稱于主司幹局稱于觀政予不

暇詳姑以其同朝一二事利害詔諸後來君爲進士  
觀政戶部未浹旬部銀餉邊例有火耗羨餘在自好  
者猶假義取之君悉籍付有司且盡以其費還部夫  
以寒素士偶值數百金之利畧不誘去其器如何耶  
授行人月餘齋 孝貞純皇后遺詔往江北至徐州  
開讀徐因水次倉守以羣閹勢焰薰灸率吏視州衙  
職官茲偃然席班首君立詔去其席撓不得與職官  
同禮俾帖然去有不怒而威者矣比縉紳逮繫多以  
迂此輩君畧無忌直奴視之而亦無能中傷蓋禮度  
辨析自足服其心耳予嘗評君學足以立政才足以

濟時義足以存孤謀足以奪人之志而深沉大度好  
惡不形尤人所難及惜乎仕未久政未及見其大行  
耳斯人也而止於斯耶

行人司行人贈福建道御史詹公敬之墓表

張岳

武皇之將巡幸尚內畏兩宫外憚大臣臺諫有時騎馬至東西華門開者伏馬前諫不可爲回轡者屢矣丁丑秋七月始馳一騎從近幸數人徑至南海子都下洶洶部院臺諫詣海子跪門請回蹕上遣從者慰遣示以回期至期衆又欲往大臣有爲鎮靜之說者揚言古天子以四時巡狩况南海子近京師祖宗時常臨幸工一出卽洶洶如是徒搖人心不如無往衆乃止是年冬幸宣府明年幸大同又幸榆林則

莫敢有諫止者是時宸濠逆賊已成以重賄賂左右  
嬖近 上南幸傳者謂濠將以輕舟伏甲中迎駕江  
上變且不測已卯春三月戒行有日吏禮兵刑四部  
及翰林院先具疏列名詣闕下伏畱甚懇 上怒罰  
令跪門五日已而行人司繼之大理司繼之工部主  
事三人又繼之 上愈怒褫繼上疏者衣冠械手足  
下獄亦罰跪四月九日杖之于獄中越五日又杖于  
闕下余時備員行人司同僚上疏者二十人其七人  
杖死而詹君敬之與焉敬之爲人開爽磊落長身美  
鬚揖熟於世故每論天下事掀髯抵掌明于丹青其

科目資望又獨先同僚衆莫不推服之聞其死尤爲之痛悼初上頻歲巡幸無諫者而南巡卽羣伏闕死諫頗爲感動故自敬之輩死後竟不言南巡事已而宸濠逆械發覺詔遣勲戚重臣往鞠之濠遂發兵反上震怒召大臣議出師致討而濠已就擒江西當是時都城內外籍籍言幸不南巡如宸濠江上謀遂或四方莫知乘輿所在訛言相煽搖其爲變豈可遽弭哉今上卽位首詔贈敬之與同死者皆監察御史蓋以未官言路而死諫故卒以所能盡職者官其志云父母妻皆贈如敬之官賜祭錄一子入太學



皆異數也國家養士百五十六年祖宗列聖優假成  
就始終正德間權姦繼起用士大夫屢起與之抗或  
刑名或獨譴雖貶黜死亡而氣不少挫最後變起宗  
藩連結左右嬖近之臣謀深而事秘非諸公舍一施  
以諫人心益岌岌矣古人有曲突徙薪之譬若敬之  
之施謂非繫天下安危成敗非也敬之施時年四十  
四其再從叔父瀚方爲刑部主事亦以諫受杖幸不  
死爲經紀其喪主事君今爲浙江左右布政而敬之  
所錄嗣子曰貞亦授南京光祿寺署丞嗚呼敬之平  
生爲人故太史石潭汪公銘之詳矣余獨懼後世謂

敬之止於一節死諫而不知其所繫天下安危成敗  
有如是者故特爲書之使後尚有述焉

南京行人司左司副唐公志大墓志銘

何良傳

嘉靖乙卯四月二十三日丁亥徵仕郎南京行人司  
左司副左溪唐君以疾卒於吳興君諱志大字子迪  
左溪其別號先世居華亭之陶宅里六世祖文彬贅  
上海長人鄉張氏遂爲其鄉人高祖耕安曾祖古塘  
皆不仕祖諱惟登弘治壬戌進士刑部主事遷員外  
郎以剛直守其官忤逆瑾謫穀城令卒于官父諱琰  
以文學有名膠庠間而不幸早世母陶夫人君生而  
穎異經史過目輒成誦方十餘歲已能屬文長者或

試以題卽應口酬對傳播郡中人皆艷異之父沒時  
君方卅稔也能治喪哀毀如成人親黨咸歎服而去  
君爲人敦朴沉毅志量弘遠遇事敢爲初爲邑庠弟  
子員院試高等當廩友人某以舊廩服闋考居君下  
君憐其情卽以讓之已而君領庚子鄉薦辛丑登進  
士第君世傳春秋之學及司馬史記朱氏綱目至於  
本朝與勝國交代之際其事蹟考據尤詳是以上下  
數千年間治亂興衰如指諸掌君學旣該博而意又  
忠懇初釋褐時與余同舍適西北多故每及時事輒  
爲籌策證據今古議論侃侃其貌又虎鬚燕頤也同

郡張君習之林君與吉嘗笑曰吾榜中他日握兵權  
定三邊者必子迪也而君日念陶夫人在家又獨子  
其奏名三甲第五例嘗得華要之階願求南曹冷局  
以便養竟授南京行人司左司副便道歸將迎母以  
行比歸則母方病君依違久之遂上疏乞終養凡再  
上乃得旨君既謝職家居敦行色養之道有一女弟  
陶夫人尤鍾愛不欲頃刻去左右君爲擇名家子贅  
焉先世清儉遺業不過二頃割其半以資女弟惟恐  
不得陶夫人懼躬親稼穡枕豆於圃畜魚於池以給  
甘旨或缺乏則解衣質貸略不爲意人以非道餽之

弗受也事叔父三山君如事其父撫從弟若同產修  
先世家規以整齊其族人貧不能自給者賑卹之又  
於宅傍建屋一區羣聚其族之子弟延禮名師館穀  
而課試之唐氏故名族至是益彬彬然風動郡中矣  
君上承母夫人之歡而敦行於族間居樂志自謂三  
公不易也遂無復有用世意時監司例得以地方人  
材薦有欲以君名上者君聞之辭避若將免焉而議  
亦竟寢方與二三同志擬待社山中爲終老之計而  
兵從海上起矣初海寇之來不滿百人而吾地久不  
習兵禦之無策各滿意而去君嘆曰寇玩我矣且貧

吳中富後必大至因作海防議一篇其略謂此寇非  
禦之於海不可欲禦之於海必先治海戰之具今國  
初防海之備廢弛略盡寇至不知所措登陸而戰則  
力當十倍於海矣俟其深入而戰則力又十倍於初  
至矣又曰東南之人徯於久安不能自奮其命文武  
帥領必先北人援古三五之法爲據其言鑿鑿切中  
膏腴書成以示所知乃又嘆曰人殆謂予將以東用  
郭遂秘之甲寅寇果大至時良傳亦以親老解官將  
歸而寇方巢穴其廬遂畱滯金陵君貽書相報且曰  
與兄俱有子職不知寧親之計當作何處及聞吳興

地僻兵宜不至遂奉母夫人與羣從弟妹子壻居焉  
既又念族人之無依慮其不免乃僻地結廬數十椽  
舍其不能自存者悉徙而居之上下及于指而君以  
一人拮据其間爲之籌畫生計勞瘁心力適松郡大  
疫凡自黃浦之南轉徙他地雖遠無能免者疫及君  
寓先陶夫人君朝夕扶持得無恙旣而妹壻與叔三  
山君相繼淪逝君不勝哀悼親護二喪衝冒兵刃歸  
葬其鄉復趣還吳興遂及于病竟以不起其可哀也  
已嗚呼世衰道喪人各私其身視同胞兄弟若塗之  
人矣一遇利害甚有父子不相顧者君乃合其族以



身任之間關險阻至劬瘁以死彼若人者聞君之風  
有不知愧者乎君與人交推誠任真中無町畦見者  
莫不知愛雖其嫉邪矯俗之意確乎不拔而又不肯  
爲詭異可駭之行郡縣交際如常未嘗干以私或于  
法不便者則入言之性喜急人之難有急者往告之  
未嘗不應應之未嘗不盡力力盡而止平生不事積  
蓄卽冠履裘袴之類亦無長物須俟其蔽乃改爲之  
至于賑給貧乏如恐不及丙午歲郡大饑君出粟煮  
粥以食貧民里有穀者皆爲感動遠近扶攜極負  
而至賴以全活者數百人一日有同年周之十金君

正空乏也適鄉人褚某者以逋稅拘繫過其門君憐其窘甚卽持與之有金某者役督賦以貧弱逃去縣追逮及其親黨君曰吾亦其親也代之役役畢而金歸縣官不知也其疎財仗義類如此及君之歿無以爲斂踰月之後家人無以爲食欲歸郡城無以爲居則君之平生可知已君無他玩好顧獨喜奕一遇勅敵至于寢食俱廢其入吳興也同郡徐奉化伯臣董太學子元亦俱至相與結社賦詩登高弔古憂時懷憤彼此唱酬時以寄予予讀之典雅悲壯有開元之遺音昔人謂詩窮乃益工殆信然歟所著有僑居賦及詩文集十卷

高廟聖政記二十四卷藏於家

行人王先生爾康墓志銘

陶望齡

先生王氏諱爾康字道安號性海居士其先泰和冠族也曾祖窮民公以義師討寇歿之祖贈主事東臯公始遷廬陵父諱育仁以進士爲涪州守先生生而淵默兒時常樂跏坐誦書纔十行人謂之癡十三居涪見圓覺經几上竊觀之父來問曰解否對曰解而道安實未曉文義徒娛弄帙中繪像耳父遽指經語詰曰試爲解之道安迫無以應良久覺胸中忽開如刀斧剗於是夙慧頓明言論深奧父甚駭之退而討覽內學繕修深觀若循里巷窺房赴閤沛乎其無滯

也夕常夢異境偉人其丈夫皆身佩光明世界爲金銀特見異書咸世所未覩也晨起尚憶之日所謂誦儒典數千言一歲中經史都徧辛卯領江西省薦明年中會試乙榜時年二十六矣道安故王氏孽子涪州公以都水郎使時生道安傳舍中其母李也嫡曾宜人遇之厲收洗畢驅車輒行長讀書有餞容雖舉鄉書而李不免勞役之乙榜例授教職士非年壯連困躋者多不樂就道安少年以母故遂爲南城教諭奉李孺人以行人服其孝學徬招提有藏經道安官暇時往繙閱無遺者甲午應浙江聘分校禮經明年

成進士告還子無僮僕寄鄉人試免者舟以歸明年  
選授行人先後奉 冊周唐淮府復奉詔鐫論湖廣  
所至餽問一錢無所受好遊名山過輒畱止嘗結廬  
焦山中習靜半歲始去道安初禮雲棲爲毗尼師持  
淨業甚篤復棲心宗要叅扣精猛忽輿行斡折觸而  
有悟其使唐又得旨于松谷老人見旣高即所守彌  
下其行履純密雖袖子中精苦者不逮亦問爲文詞  
伸紙輒就對客夾衫時亦靡厭也夕嘗端坐至昧爽  
脅不沾席自言如彈指頃耳辛丑奉李孺人北來居  
數月復以使行曰吾不返矣折所持手板而去畢使

上疏謝病居招提中爲衆講起信論著起信疏記通  
梓行之無何瘍生左足病中講楞嚴不輟已持曾宜  
人服強起襄事於是道安始授產有田穀所分債券  
皆焚之畢葬疾增劇右足復瘡瘡大如盂初病時道  
安于定中見脰骨盡黑曰此宿業也意不欲療然猶  
樂戒吞藥酒進滋味以慰其母歎曰生死命也酒肉  
奚能爲予死爲後來鑒不愈于破戒生乎先沒數月  
豫尅期日時將歸女子曾氏其家請以仲冬道安曰  
至期予往矣爲更仲秋又捨田宅爲精廬卜日成券  
其友李子木請仲冬十日道安曰吾不待也易以朔

亡何謂子木曰初九日吾行矣是日果逝歛夕地震  
動屋瓦盡鳴道安生邨舍時涪州公見大比丘入門  
登堂軒然而來俄失之是夕李夢一僧從井湧出覺  
而婉身故道安兒時人號之僧及居涪州公喪毀甚  
病足幾殆夢異僧授藥飲之而平後分試浙闡出居  
邨中患滯下夕數十起從者一人亦病逆旅人皆棄  
去飲食都絕俄有長比丘映立戶外脰以上出於戶  
持一盃從簾外與之受而飲湯也霍然而愈嘗登五  
臺見金浮圖高出雲表問左右無覩者輩時見羣緇  
逡巡有頃曰天人至矣乃瞑鴻臚卿劉公言繇道安

事知張安道蘇子瞻前身比丘之說皆不妄也當嘉  
曆乙未予從黃庶子輝潘吏部洙偕爲會試同考官  
潘公懷二牘眎予曰此一取一廢矣君以爲何若予  
曰君所廢其人佳士不可失也潘君曰然業旣裁定  
當奈何復以眎平倩平倩益振袂言君可憚百反耶  
吾二人助君爲請竟廢取者取廢者其人卽道安也  
後相從社中三人笑語往事曰豈亦多生香火因緣  
乎予嘗問道安入道奚功而可道安曰道無功也予  
曰無功何以進道道安曰無功之爲功至矣旣辭去  
一書從涿鹿來繞十數字曰直心易深心難有功之



功易無功之功難嗟乎道安蓋謂予寒淺拘滯而爲  
發藥與世之儒者多詆道安爲異學其嗜浮屠言者  
又目爲偏乘小機非最上圓頓之道惟同郡王奉常  
先生時槐亟稱其好學嗟乎顏氏旣沒後世之好學  
有聞躬允蹈之若道安或鮮矣儒釋之名偏圓大小  
之辨吾烏能定之哉酈劉孺人寧國知縣劉公女始  
道安止小樓日誦華嚴孺人夢大日輪懸樓上光采  
晃煜不可正視寤而言之道安爲言佛法大指欣然  
信受屏葷血清淨自居先道安三歲沒沒時殊下了  
也子銘玄葬道安某所自廬陵走二力來取銘銘曰

先生渴來采願車金粟病士雙杯漁優曇鉢花時一  
敷度生幾何還化初嗟世渾濁人並愚談圓說頗聊  
自誣哂暖疽穢誇天厨夢游清都身臭帑先生竭來  
斬秦蕪澄觀密行躬範模如投清珠潄潦潄手挾二  
曜臨卮衡羣生薄祐公何痛足如委土身空虛埋玉  
下土友所吁銘詩告哀慰厥孤

參軍斷事高巍傳

高巍山西遼州人事母蕭至孝蕭老而痼疾巍奉湯藥不懈母亡廬墓疏食三年洪武十五年應貢入太學十七年有司舉孝行詔旌其門尋授前軍都督府試左斷事十八年上疏欲墾河南山東北平兵後荒田及抑末技慎選舉惜名器數事高廟深嘉納之後因斷事不稱上旨當罪以議賢謫戍貴州關索嶺建文初上疏陳情乞放歸田里許之既而遼州知州王欽應詔辟巍赴銓曹上書論政事借漢爲喻略曰昔漢高帝提三尺劍滅亡道秦大封同姓分王天

下之半雖曰遠慮然卒遺文景以不治之痼疾賈誼  
所謂股大于腰指幾于股者也賴文帝寬厚含忍容  
之尚不免尺布斗粟之譴景帝之寬厚既已弗類孝  
文又輔以晁錯之深刻徑削諸侯遂挑六國之禍向  
非命將得人民心輔漢則社稷危矣 太祖皇帝之  
起與漢高同而神武過之法三代之公封建諸王必  
先形勢關陝百二山河昔人謂一夫當關萬夫莫開  
其民悍勇西鄰吐蕃故以藩王之長秦府王之山西  
表裏山河地產良馬其民剛壯所謂山西出將者也  
北近胡虜故以晉府王之燕國雖無名山大川之限

其南冀州眞定保定順德廣平大名諸境所謂桑土之野坦平肥沃供賦之饒不言可知其北雖曰沙漠寒涼不毛然其地廣畜馬羊其人衣皮食肉馳射是務遼金賤元藉之而興故以燕府王之四川僻在西南一隅山河阻深劉備據之虎視吳魏故以蜀府王之其餘楚湘齊充寧遼谷代慶肅之屬以次星列比諸古制雖分封過當然太祖聖意莫不欲護中國而屏四夷也今谷府多驕逸不法違犯朝制不削則隳紀綱削之則傷親親之恩此我皇上所難處也賈誼曰欲天下之治安莫要于衆建諸侯而少其力

力少則易使以義國小則無邪心令海內之勢如身  
之使臂臂之使指莫不率從眞裁制諸侯之長策也  
其在于今盍亦師其意勿行晁錯削奪之策而效主  
父偃推恩之令命秦晉燕蜀四府子弟分王于齊充  
吳楚湘潭齊充吳楚湘潭分王于秦晉燕蜀其餘比  
類皆然則藩王之權不削而自弱矣臣又願益隆親  
親之禮歲時伏臘使人饋問其賢如河間東平下詔  
褒賞驕逸不法如淮南濟北者初犯則容之再犯則  
赦之犯而不改者當合親王告本廟削其地而廢處  
之豈有不順服者哉修身齊家宣父明訓睦族和邦

帝堯盛德惟 上覽察焉 建文君奇其才會靖難  
兵起命從曹國公李景隆出師叅贊軍務巍復請使  
燕曉以禍福感以親親之誼令其休兵歸藩以代朝  
廷數十萬之師遂遣往巍自稱國朝處士臣某再拜  
上書燕國大王殿下巍聞世之所謂大丈夫者蓋以  
其爲國家排難解紛上足以安宗社下足以安黎庶  
而無一毫微利于譽之心焉爾巍樗櫟之材遨遊山  
野經史自娛內有飽煖之樂外無攘奪之虞沐浴皇  
朝之恩厚且深矣巍雖無丈夫之才而有丈夫之志  
慕魯仲連之爲人喜與人排難解紛名世而不朽也

項我 太祖高皇帝上賓 聖天子遵遺制嗣大寶  
布維新之政下養老之詔天下莫不感悅不意大王  
與朝廷有隙張皇三軍抗禦六師不知其何出今在  
朝諸臣文者智籌武者勇奮執言伏羲以順討逆殆  
無不勝之理巍不忍兵連禍稔挺身開說以爲逞機  
芥之積忿而覆百萬之生靈豈仁智之爲哉巍有一  
策解隙以和使帝者復帝王者復王君臣之義大明  
骨肉之恩愈厚乃天下萬世之幸也巍所以置死度  
外來見大王欲盡一言求頸血汚地者蓋夙許 太  
祖以殞首結草之報豈它有求哉昔周公遭流言居



東土以俟成王之悟大王誠解護衛甲兵釋骨肉猜忌之疑塞讒賊離間之口大王寧不比隆于周公平慮不及此遂愾遠邇大興甲兵襲疆宇任事者得藉口以爲殿下假誅左班文臣實欲效漢吳王倡七國以誅晁錯爲名家必自毀然後人毀之恐一旦奸雄聚傑鳩集亡賴因時乘隙率衆突起而橫擊之萬一有失大王獲罪先帝矣今大王據北平取密雲下永平襲雄縣掩真定雖易若建瓴但自興兵以來經今數月尚不能出區區葭爾一隅之地較以天下十五而未有一焉大王將士殆亦疲矣况朝廷以天下無

限之師大王以一國有限之衆應之大王同心之士  
大約不過三十萬大王與我聖天子義則君臣親則  
骨肉尚生離間之疑况三十萬異姓之士可保終身  
困迫而死于殿下平巍每念大王帝室最近之親何  
至如此未嘗不灑泣流涕也若大王信巍言上表謝  
罪按甲休兵朝廷寬宥再修親好天意順人心和  
太祖在天之靈亦安矣不然執迷不回捨千乘之尊  
捐一國之富恃小勝忘大義以寡敵衆爲僥倖不可  
成之悖事魏不知孰優也况大喪未終毒興師旅其  
與秦伯夷齊求仁讓國之義不大徑庭已乎雖大王

有清夷朝廷之心天下不無篡奪嫡統之議幸而事成固中大王之計萬世公論以大王爲何如倘有蹉跌于斯時也追復懇款之愚其可得歟願大王熟思而審處焉書達不報巍又復上書假周公引詩書反復數千言末云今太王論親最長論行最賢我朝之周公也當流言之謫亦如周公有碩膚之遜無驕悖之形內輔朝廷外屏夷狄則周公不得專美于前矣惟我 高皇聖同文王 高后慈同后妃今大王才美同周公輔我天子守成同成王我朝基業同周室豈不盛哉巍白髮書生蟬蛻微命生死不懼久蒙

太祖教養無能補報洪武十七年旌表孝行魏竊自  
負既爲孝子當爲忠臣死忠孝魏至願也如果賜  
死獲見 太祖在天之靈魏亦有以藉口矣書再上  
不報已而南軍大敗魏從景隆收濟卒退保德州尋  
復集衆戰白溝河大敗魏於是南奔道遇鐵鉉于臨  
邑相持慟哭共矢効死遂趨濟南守城拒退北兵魏  
賊志喜有日至濟南而被圍思張巡之忠堅幸遇知  
已之鐵相更從英輩以雲聯若徐將軍之赳赳盛統  
兵之桓桓僉憲高公之糾謾大叅宋公之周旋掠陣  
張都統之能勇給儲王太守之從權吾道府校之

諭議斯文王肯構之勉旃聚資羣策屈力保全盛統  
兵者盛庸也餘不可者矣京城破魏繼死驛舍又有  
高不危者同時死義弟宣戌南海衛或曰不危魏字  
也

錦衣衛經歷贈光祿寺少卿沈公鍊墓志銘

王世貞

當先皇帝己酉庚戌間余守尚書刑部郎而沈公由清豐令入爲錦衣衛經歷數從故尚寶張璠業飲沈公少飲輒醉醉則擊缶鳴鳴誦出師二表赤壁賦已慷慨曼聲長嘯泣數行下余私心慕異之而亡何虜闖入塞都門不啟天子坐西齋宮憂之亡所出會虜獲我中貴人爲嫚書附以進曰予我幣通貢卽解圍不者歲一禋而郭時華亭公領大宗伯要諸大臣以御朝請而天子下其書大宗伯會文武羣臣

計卽予貢弗予孰便甫就計國子司業趙先生貞吉  
曰虜所謂貢者已耶彼傳城而軍我城下盟耳竊以  
爲 天子御奉天門出內帑饗士驛言者旌功臣虜  
固當自退而檢討毛先生起囁囁言吾姑寬虜以予  
貢而出之而後議守便趙先生延此之爭之堅而沈  
公復爲申趙理刺刺不休太宰夏公恠而問曰若何  
小吏也沈公目攝之曰大吏噤弗言故小吏言胡恠  
也且不曰主辱臣死耶太宰意不自得罷而華亭公  
持衆議上竟弗予貢次日 天子出見朝有所誅進  
矣當是時沈公氣甚壯欲力吞虜幾得以身當一面

畢見其長乃上疏言請以萬騎護陵寢萬騎防通州  
餉而合勤王之師十餘萬鼓而薄其墮歸必大勝報  
聞罷蓋是時相嚴嵩獨貴幸用事數寢抑邊事不以  
報而見事急則若爲開言路有所誅進者將帥當事  
臣迫誅益入賕居間嵩以免而其進有時賄賂價暴  
起言者日以益嵩日以重于是沈公飲張丞所泣歎  
曰詩不云乎歎歎訛訛亦孔之哀謀之其臧則其是  
違謀之不臧則具是依已矣凶所信吾謀矣吾卽不  
死而苞苴日蠅然過我而集於西第何也且夫社稷  
何賴焉乃抗疏言相嵩父子翼虎社鼠誤國大計請



復以謝天下太宰阿私所異同宜從坐詔以公  
昔歲謫諱亡人臣禮今復誣詆大臣自爲名廷楊之  
數年謫田塞外而先是趙先生亦坐他法謫斥矣沈  
公常田保安倉卒寄妻子廣柳車未有舍而保安賈  
某者傍睨公曰公非上書請誅嚴氏人耶揖之人徙  
家而家沈公公始有居矣里長老問知沈公狀咸大  
喜助薪粲而遣其子弟來從學公稍與語忠義大節  
則又大喜而塞外人戇爭爲公詈相嵩以快公公亦  
大喜日相與詈嵩父子以爲常至爲偶人三象唐相  
林甫宋相檜及相嵩而射之語稍稍聞嵩父子銜之

切骨思有以報公而侍郎楊順來總督順故嵩客也  
前大帥某業以選悞避虜俟其解則縱吏士取死人  
首甚者夜微避兵人僂之以爲功沈公廉得其首主  
名貽書誚之前大帥志旣得代卽以屬順曰是故撓  
乃公事者丁巳虜大入破應州堡四十餘順見以爲  
失事當坐益縱吏士殺僂避兵人上首功以自解而  
公復廉得其狀貽書誚順語加峻且賦詩及樂府者  
二或謂公遷人非有言責母爲爾公怒曰吾一者豈  
亦有言責耶若視吾眼在否而欲育我夫殺人而欺  
其君以要賞吾誓不與共天順聞益寒以其私人經

歷金紹魯指揮羅鎧走嵩于世蕃所曰是夫也結虎  
士擊劒習射將以間而取若父子世蕃曰吾固知之  
卽以屬巡按御史李鳳毛鳳毛謬爲謝曰有之竊陰  
已解散其黨矣鳳毛得代歸遷爲光祿少卿而御史  
路楷來楷又嵩客也世蕃爲酒壽楷而使謂順曰幸  
爲我除吾瘍事成大者侯小者卿順則與楷合笑捕  
諸白蓮教通虜者竄公名籍中以謀叛聞而前大帥  
時理兵部無異取中旨倖公籍其家而予順一子錦  
衣千戶楷候遷五品卿寺順猶快快曰丞相負我薄  
我賞猶有所不足乎謀之楷取公二子杖殺之而移

檄越逮公長子諸生襄至則日掠治困急且處會給  
事中吳君時來上疏論順楷誤國大罪上怒相嵩  
不及爲之地急下緹騎捕治順楷而襄得釋居久之  
相嵩敗世蕃殊死御史維新復論順罪而微爲襄理  
還其諸生今皇帝初詔褒言事者沈公冤始大白  
贈光祿少卿賜祭錄一子太學襄用諸生久次膺貢  
上春官伏闕上書相言總督順巡按楷殺人姦黨狀  
而給事時亮與相繼以封事請詔可捕順楷司寇獄  
論抵罪始沈公少而讀書有異質從故王伯安先生  
游先生一再與語卽奇之曰生千里才也辛卯舉鄉

試又七年成進士爲溧陽令其治以搏擊豪強衛赤  
子爲急用伉儷忤御史得調在平以父憂歸服除補  
清豐令愈自刻苦有惠愛聲故錦衣陣陸炳聞而賢  
之請吏部得公爲經歷至則與鈞禮不敢以分加公  
公愈益發舒嘗從世蕃酒所世蕃虐所狎客給事飲  
非其任強灌之公卽以灌世蕃曰吾代客酬也當虜  
掠近郊時都門閉公急謂陸公勿閉門閉門予故民  
矣陸公爲言於上而許之所入男女以巨萬計公  
旣謫保安而屬歲大侵傾橐裝作粥粥饑者收百里  
內骸買地而瘞之其人率而相爲祠生祀公公於詩

文援筆立就奇麗甚而不能盡削其牢慍憤激之氣  
往往多楚聲竟以是獲禍其傳者十不能一二人讀  
而憐之沈公諱鍊字純甫別號青霞山人其死以丁  
巳之十月十七日距其生丁卯得年五十有一父處  
士公璧母俞夫人娶於徐有丈夫子四長卽襄次襄  
次襄卽死於公難者也最少子泰以穉免襄旣白報  
公讐推太學恩袞而身之金陵謁吳君表其墓已復  
之吳興謁不佞某誌而銘之以慰公嗚呼公有子矣

焦太史編輯國朝獻徵錄卷之八十一終